

# ŠULSKE NOWINY



Serbska wyša šula Ralbicy  
UNESCO projektna šula  
[www.sorbische-schule-ralbitz.de](http://www.sorbische-schule-ralbitz.de)

Winowc 2023  
28. lětnik, 277. wudaće

## Mytowanje Sakskeho młodžinskeho žurnalizma 2023

Spočatk julija poda so skupina cyłodnjowskeho poskitka šulskeje nowiny zhromadnje z knjeni Pešmanowej do Drježdźan.

Přičina za přeprošenje do Drježdźanskeje Schauburg běše mytowanje Sakskeho młodžinskeho žurnalizma, na kotrymž smědžachmy so tež MY wobdźelić! Zapodachmy najwšelakoriše přinoški našich šulerkow a šulerjow AGje šulska nowina k wšelakorym kategorijam. Tuž běchmy přewšo wćipni, hač mamy docyła šansu, so z najlěpšimi šulskimi



nowinami cyteje Sakskeje měrić. Mjez druhim mytowachu so kategorije kaž jednotliwe přinoški, cyte wudaća šulskich nowinow kaž tež fota a ilustracije. Nimo toho dawaše spěchowanske myto, wosebite myto za najlěpšu online-nowinu a myto za najlěpši přinošk we wobłuku kultury.

Jako sej rano do Schauburg dojeđzechmy, buchmy hnydom wutrobnje witani. Na wulkej žurli zetkachy so šulerki a šulerjo najwšelakorišich šulow, mjez druhim tež z Lipska a Budyšina. Program wobsahowaše

wotměnu z mytowanjami a małymi workshopami.

Tak buchmy do wšelakich workshopow rozdźěleni, w kotrychž mějachmy móžnosć so sami wuspytać. W přěnim workshopje dźěše wo temu podcast. My pak podachmy so do druhého, kotryž so z lyriskim pisanjom zaběraše. Pytnychmy, zo njeje lyriske pisanje docyła tak lochko, dokelž wobjednawachmy za nas cyle njeznatu družinu: spoken word (serb. řečane słowo).



W přestawce bęchu za nas słódne węcki spřihotowane kaž popcorn a mnoho družinow solotwjow a dessertow. Wosebje popcorn nam jara zestodži.


We wulkej žurli pokročowaše po přestawce mytowanje a poetry slam předstajenje.



Nětko běše tak daloko ...  
naša kategorija bě na rjedže  
a ... sedźachmy cyle  
njeměrne na našich městnach ... lědma sej zwěrichmy  
dychać ... „Mamy džensa maću wosebitostku”,  
moderěrowaše zamołwita za myta, „dawa jednu šulu,  
kotraž je sej hnydom dvě městni najlěpšeje  
šulskeje nowiny za wyše šule wudobyta. Je to  
šulska nowina Serbskeje wyšeje šule Ralbicy!”  
Njemóžachmy wěrić, zo běchmy to my. Wjeselachmy  
so jara a hordži wotewzachmy sej pokalej za druhe a

třeće městno na jewišću. Po zhromadnym  
wobrazu ze wšitkimi wobdźělnicami a  
wobdźělnikami

podachmy so  
wjeseli a sprócni  
na dompuć. To  
běše jara rjane -  
a nadźijomnje nic  
jónkrótne -  
dožiwjenje, na  
kotrež chcemy  
rady wróćo spominać.



- tekst: Louisa Domanic 8/2 a Lydija Pešmanowa, wobrazy: Lydija Pešmanowa -

## Rjadowniska jězba do Altenberga

Wutoru w přenim šulskim tydženju podachmy so šulerki a šulerjo 5. lětnika na rjadownisku jězbu do Altenberga w Rudnych horinach. Dyrdomdej započa so rano při dwórnišću w Kamjencu, z áhom podachmy so do Drježdźan a wottam dale z busom do młodownje w Altenbergu.



Knjeni Serbinec a knjez Rjeda pokazaštaj nam stwy, po tym smědzachu hólcy hižo kopańcu hrać a holcy so tež hrajkachu. Po stódnym wobjedže podachmy so z ćahom k hrodej Lauenstein, hdžež kwis a kulkowe čary (Murmelbahnen) na nas čakachu. Wječor zabawjachmy so w młodowni z kopańcu a druhimi hrami.

Srjedu bě plan cyle pońny. Na programje steješe wopyt hrajkanišća, léčne sankowanje, pućowanje po sněhakowskej čarje hač na kromu Altenberga, wjedženje po podkópkach a naposledk kupanje w kupjeli. Štwórtk po snědani a rumowanju smědzachmy hišće hry hrać, doniž so z busom a ćahom zaso domoj njepodachmy.

Nimo dožiwjenjow nadžětachmy sej rjadowniske prawidła a zeznachmy so lěpje w rjadowniskim cyťku.

- šulerki a šulerjo rjadownje 5 -

## INFORMACIJE - TERMINY - WŠELČIZNY

**wot 2. do 13. winowca**

prózdny

**26. winowca**

wysokoskok z hudźbu we Worklecach

**30. winowca**

swobodny dzeń

**31. winowca**

reformaciski dzeń

## Ze stareho činimy nowe - upcycling

Sy so hižo prašať/a, zwotkal su barbne tony, kotrež pyša naš šulski dwór?

Ideja porjeńšenja je wušta wot našeje socialneje džěta-čerki, zhromadnje z někotrymi pilnymi

šulerkami, kotrež su sej wosebity projekt we 48-hodžinskej akciji předewzali. „Zaměr je při tym zeleniši a rjeńši šulski dwór stworić, kotryž dyrbi wosebje insektam přijomny žiwjenski rum być“, tak přeradži nam knj. Hrjehorjowa.

Konkretna ideja z tonami nasta pozdžišo w rozmoťwach z wučerkami a wučerjemi kaž tež šulerkami a šulerjemi. Ideje za pomolowanje tonow

wuwichu kreatiwne šulerki same a smy měńjenja, zo su wulkotne ideje nastali, kotrež dyrbimy WAM na kóždy pad pokazać!

- tekst: Lydija Pešmanowa;  
wobrazy: Lubina  
Hrjehorjowa -

